

NOVE IDEJE, NOVI PROJEKTI, NOVA VIZIJA

Ljudi su preči, od velikih riječi !!!

Admir Helja



Poštovani građani,

danas stojim pred vama kao nosilac liste za Općinsko vijeće pokreta Naprijed, sa strašću i odlučnošću da doprinosim razvoju naše zajednice. Rođen sam u Sarajevu 1983.godine.

U Olovu sam završio srednju šumarsku tehničku školu, gdje sam bio i učenik generacije.

Poslije srednje škole upisujem šumarski fakultet koji sam završio redovno krajem 2007.godine. Nakon toga upisujem postdiplomski studij na šumarskom fakultetu u Sarajevu koji sam uspješno završio 2015.godine, i stekao zvanje magistra šumarskih nauka. Zaposlen sam u J.P. ŠPD ZDK d.o.o. Zavidovići.

Kao magistar šumarskih nauka, sa dugogodišnjim rukovodnim iskustvom u privredi sam uspješno obavljao niz odgovornih rukovodnih pozicija u JP ŠPD ZDK d.o.o.. Državni sam sudski vještak iz oblasti šumarstva.

Živimo u netipičnom vremenu, u vremenu kada 'mного' nije dovoljno, u vremenu kada se mora dati sve.

Razvojni projekti, ulaganja u infrastrukturu, obrazovanje i kulturu, te briga o najosjetljivijim članovima društva, ostaju ključni za naš rad.

Naš jasan plan i čvrsta volja je Olovo onakvo kakvo želimo da bude. Olovo sa razvijenom privredom, sa novim industrijskim zonama, novim zapošljavanjima, novim projektima i novim pravima koja moraju biti jednaka za svakog građanina općine Olovo.

Kao vaš predstavnik, fokusirat ću se na poboljšanje ekonomije općine kroz stvaranje povoljnog poslovnog okruženja, privlačenje investicija i podršku lokalnim preduzetnicima. Vjerujem da ekonomski razvoj ide ruku pod ruku s unapređenjem obrazovanja i kulturnog života, čime ćemo učiniti zajednicu prosperitetnijom. Također, radit ću na unapređenju infrastrukture i podršci malim i srednjim preduzećima, koji su ključni za lokalnu ekonomiju.

Preko polovine mladih želi napustiti zemlju, a većina građana smatra da država ne ide u dobrom pravcu. Politički sistem je klerikalizovan i favorizuje stranački klijentelizam, što dovodi u pitanje smisao izbora. Pozivam mlade da izađu na izbore i odluče hoće li prihvatiti loše vođenje ili živjeti u društvu koje cijeni sposobne, odgovorne i poštene. Važno je da mladi detaljno analiziraju stranke, njihove programe i nositelje prije nego što odluče kako će glasati, umjesto da biraju samo na osnovu osjećaja.

Bez obzira na degradaciju obrazovanja i na omalovažavanje stručnosti i kvalitete, smatram da je to samo trenutno stanje u našoj državi, i da će se stvari u bliskoj budućnosti promijeniti. Potrebno je razmišljati svojom glavom i ne dozvoliti da netko umjesto vas donosi odluke.

Budite subjekt, a ne objekt odlučivanja. Jer život ne može da čeka.

Ako je do mene, ja sam za promjene !!!

Provjereni ljudi za novo Općinsko vijeće!

OLOVO Donosimo listu kandidata za Općinsko vijeće Olovo

Društvena podrška mladim porodicama „Za našu djecu“



Almedina Smajić rođena je 1990 godine. Srednju trgovačku školu završila je u Kladnju. Trenutno nezaposlena. Kao kandidat za općinsko vijeće, svoj rad planira posvetiti mladima i njihovim društvenim potrebama. Almedina je posvećena poboljšanju položaja žena u društvu i aktivno radi na kulturnom unapređenju općine. Njen angažman u kulturnim projektima i posvećenost unapređenju prava žena čine je snažnim kandidatom za doprinos stvaranju pravednijeg i aktivnijeg društva. Almedina teži stvaranju boljeg okruženja za sve članove zajednice, s naglaskom na osnaživanje žena i kulturni razvoj.

2

Almedina Smajić

Zato što volimo Olovo !!! Grad za sve Nas !!!



Esad Muminović je kandidat za vijećnika na listi Naprijed!, rođen 1974. godine u Olovu. Kao pripadnik Armije Republike Bosne i Hercegovine od prvog do posljednjeg dana, duboko razumije izazove i potrebe boraca i penzionera. Duboko razumije izazove boraca i penzionera te je posvećen unapređenju njihovog položaja. Glavni cilj mu je osigurati adekvatne socijalne i zdravstvene usluge za borbe i njihove porodice te unaprijediti penzionerska prava i usluge, uključujući poboljšanje naknada i pristupa zdravstvenim uslugama. Značajne promjene su moguće uz zajednički rad i podršku. Poziva građane da podrže listu i dopuste mu da bude njihov glas u Općinskom vijeću.

3

Esad Muminović

Zagovornik prava porodica



Edina Đogić je kandidatkinja za općinskog vijećnika koja zagovara prava porodica. Rođena je u Sarajevu 1991, gdje je završila srednje obrazovanje tekstilnog tehničara, konstruktora, i modelara. Trenutno je nezaposlena, ali se povremeno radi na određeno vrijeme. Edina je posvećena radu na unapređenju položaja porodica u našem gradu i pružanju podrške svim građanima. Njena lična priča i iskustvo čine je motiviranom za doprinos stvaranju pravednijeg i aktivnijeg društva.

4

Edina Đogić

Da već danas bude bolje



Adis Smajić, kandidat za općinsko vijeće, rođen je 1984. u Olovu. Završio je Šumarsku tehničku školu u Sarajevu i Šumarski fakultet. Nakon sticanja zvanja VSS, radio je kao taksator, a zatim kao inženjer šumarstva u JPP ŠPD ZDK doo Zavidovići, gdje je bio odgovoran za projektovanje i uređivanje šuma u Olovu. Kao vijećnik, zalagać će se za poboljšanje životnih uslova u općini Olovo, razvoj ruralnih područja, unapređenje cestovne infrastrukture, kulturni razvoj zajednice i uključivanje mladih u društveni život. Također, želi promovisati i zaštititi kulturno-historijske vrijednosti.

5

Adis Smajić

Mladalačka energija za razvoj općine



Emina Karamović kao predstavnica mladih, teži aktivnom uključivanju mladih u društveno-politički život. Rođena je u Olovu 2004. godine. Ekonomski tehničar je po struci i radi u trgovini. Njena strast za unapređenjem prilika za mlade ljude i želja za doprinosom lokalnoj zajednici motiviraju je da radi u cilju promjena. Emina se zalaže za kreiranje platformi koje će omogućiti mladima da aktivno učestvuju u donošenju odluka i oblikovanju budućnosti.

Emina Karamović

6



7

Dženan Muratović

Zaustavimo odlazak mladih

Dženan Muratović je kandidat za općinskog vijećnika, ekonomski i šumarski tehničar, i trenutno nezaposlen. Rođen je 1984. godine u Olovu. Povremeno je zaposlen izvan granica BiH. Dženan teži stvaranju boljih uslova života za sve građane, fokusirajući se na poboljšanje socijalnih i ekonomskih aspekata zajednice. Njegova posvećenost i iskustvo u suočavanju s izazovima nezaposlenosti daju mu jedinstvenu perspektivu za rad na unapređenju životnih uslova. Dženan se zalaže za inkluzivnu politiku koja će osigurati prosperitet i kvalitetan život za sve članove općine.



8

Aldin Bjelić

Za bolje uslove poduzetništva u našoj općini

Aldin Bjelić je kandidat za općinskog vijećnika, sa završenim srednjom školom za saobraćaj. Rođen je 1991. godine u Olovu. Trenutno je zaposlen u privatnom sektoru, što mu omogućava jedinstven uvid u potrebe lokalne zajednice i poslovnog okruženja. Aldin se zalaže za poboljšanje uslova života i rada u općini, koristeći svoje iskustvo i mladalačku energiju za doprinos razvoju zajednice. Također, teži stvaranju povoljnog okruženja za mlade i poticanju lokalnog preduzetništva.



9

Mirsada Helja

Ravnoteža i jednakost žena u društvu

Mirsada Helja je kandidatkinja za općinskog vijećnika i svršenic frizerske akademije sa znanjem njemačkog i engleskog jezika sa iskustvom rada na određeno radno vrijeme u inostranstvu. Rođena je u Olovu 09.10.1993. godine. Kao žena, borit će se za bolji položaj žena u društvu. Mirsada se zalaže za ravnotežu i jednakost u svim aspektima života. Njeno obrazovno iskustvo i posvećenost unapređenju prava žena čine je kvalificiranom za doprinos u stvaranju pravednijeg i ažurnijeg društva.




10

Muhamed Rožajac

Misli dobro, pa će dobro svima biti

Muhamed Rožajac je kandidat za općinsko vijeće. Rođen je u Olovu 1983. godine i po zanimanju je vozač motornih vozila. Razvojni projekti, ulaganja u infrastrukturu, mlade, obrazovanje i kulturu, briga o najosjetljivijim kategorijama našeg društva, bili su i ostaju temeljna odrednica našega rada. Lična skromnost i poštenje, briga za državu i naciju su elementarne vrijednosti koje treba da ima svaki čovjek u našoj državi. Također, teži stvaranju efikasnijeg sistema podrške za sve članove zajednice.



11

Almedina Hasanović

Za jako i stabilno Olovo

Almedina Hasanović je kandidatkinja za općinskog vijećnika i trgovac po zanimanju, ekonomski tehničar trenutno zaposlena povremeno na određeno vrijeme, u najvećem domaćem trgovačkom lancu. Rođena je u Olovu 2001. godine. Almedina je duboko posvećena poboljšanju životnih uslova za porodice u zajednici. Njeno iskustvo u trgovini i svakodnevni izazovi kao roditelja omogućavaju joj jedinstven uvid u potrebe lokalnih građana. Almedina se zalaže za unapređenje socijalnih i ekonomskih usluga, s ciljem stvaranja boljeg okruženja za sve članove općine.

Mehmedović:

Snaga bosanskog duha vodi nas NAPRIJED!

Poštovani,

svako od nas treba sebi postaviti logično pitanje: Zašto Naprijed?

Nakon agresije, Bosna i Hercegovina bila je duboko podijeljeno društvo, ali s ogromnim političkim kapitalom i ugledom u svijetu zbog vođenja odbrambeno-oslobodilački rat protiv mnoštva neprijatelja.

Etničku podjelu, koju su proizveli naši susjedi, vrijeme je dodatno učvrstilo, što je dovelo do podijeljenosti bh. društva u gotovo svim aspektima. Takvo stanje, u okvirima dejtonskog ustavno-pravnog uređenja, postaje neodrživo. Pozitivni politički kapital vremenom se topio da bi danas dostigao svoj minimum. Ujedinjenje bosanskog društva je imperativ političkog pokreta NAPRIJED. Najmanje što nas spaja je bosanska državnost, pripadnost državi Bosni i Hercegovini, a to nas je spajalo i kroz povijest.

Zašto NAPRIJED?

Zato što je status quo postao model koji će nas preskupo koštati kao državu. I danas smo zarobljeni u tom stanju, bez mogućnosti institucionalnog odgovora na izazove današnjice. Nove geopolitičke okolnosti i izazovi su pred Bosnom i Hercegovinom.

Naši mladi odlaze zbog pravne i životne nesigurnosti uzrokovane teškom političkom situacijom u Bosni i Hercegovini. Ne vide budućnost ovdje. Zato treba NAPRIJED! Dok cijene rastu, plate stagniraju. Ne oslanjajte se na statistike; pogledajte šta možete kupiti za svoju platu. Vrijeme je da se zapitamo idemo li u pogrešnom smjeru. Moralna obnova društva je imperativ današnjice u Bosni i Hercegovini! Elementarni moralni principi su obaveza svakog člana zajednice. Zato treba NAPRIJED! Pokret koji će politikom kvaliteta obezbijediti osnovne vrijednosti u političkom životu naše zajednice i promijeniti negativan pogled na politiku i političare. NAPRIJED je već drugačiji od ostalih!

ZAŠTO NAPRIJED?

Zato jer je MISIJA ovog pokreta upravo briga o svakom bh. čovjeku od rođenja do kraja života.

Djelovati kao opoziciona stranka u Bosni i Hercegovini i izaći na izbore, a s obzirom na opću ekonomsku i društvenu krizu, bez sumnje je "Sizifov posao".

No, postoji čuvena poruka Lava Nikolajeviča Tolstoja, ako se jedna grupa nečasnih ljudi domogne vlasti, nužno je da se nađe grupa časnih ljudi da im se suprotstavi.

Ovo bi mogao biti jak motiv da se neko danas, posebno mladi ljudi, odluči i odvaži politički angažirati. Bosna i Hercegovina je posebna zbog svog jedinstvenog uređenja temeljenog na Dejtonskom sporazumu. Kao tranzicijska postsocijalistička država, postala je hibrid komunizma i kapitalizma, bez socijalne osjetljivosti. Iako ima parlamentarnu demokratiju, vladajuće etničke oligarhije čine je autokratskom. Sadašnji vlastodršci izgradili su tri zasebna režima po etnonacionalnom konceptu. Trojka, odnosno ponašanje lidera ovih strana (SDP, NiP, NS), u bitnom se ne razlikuje od svojih prethodnika na vlasti. Jednostavno se čini kao da nema izlaza i rješenja ovog zamršenog čvora. Zato treba NAPRIJED! Alternativa mora dati nadu Bosni i Hercegovini te njenim građanima. Populizam je postao globalni trend, a razvojem društvenih mreža, ratnohuškačka retorika i govor mržnje u BiH ozbiljno su ugrozili multikulturalno naslijeđe naše zemlje.

I najvećim svjetskim umovima teško je definirati političke i ideološke trendove koji Bosnu i Hercegovinu vuku u srednji vijek. S pozicije teorije političkih doktrina vrlo je teško razvrstati stranke na lijevicu, centar i desnicu. Političke anomalije stvaraju defetizam i beznađe, pa malo idealista pokušava promijeniti situaciju. Nekolicina njih okupila se oko stranke NAPRIJED.

Vjerujemo u nesalomljiv bosanski duh, koji kroz historiju nalazi odgovore na sve izazove. Bosanski duh oživljava patriotizam i ljubav prema domovini, koju Bosanci svakodnevno iskazuju širom svijeta. Time je prožet Program pokreta NAPRIJED, kao i sve ono čime smo iznijeli viziju budućnosti naše domovine.

Naša hrabrost da politički djelujemo unatoč "nemogućim misijama" dovoljno govori o nama. Želimo pokazati da smo drugačiji, s inovativnim političkim narativom i iskrenim namjerama. Naša su mjerila drugačija jer težimo biti pokret časnih i odvažnih ljudi koji imaju hrabrosti da ODLUČNO krenu NAPRIJED!

Našoj domovini treba reset sistema i drugačiji kadrovski potencijal. Prije svega, treba joj društvo kompetencija i znanja, društvo poštenih i čestitih kadrova čiji je prag tolerancije na korupciju nulti.

E, zato NAPRIJED treba našoj domovini! Snaga bosanskog duha leži u našoj sposobnosti da prkosom i odlučnošću krčimo puteve koji vode NAPRIJED!

Zvijezde, koraci i novi početak: Otkrijte simboliku logotipa NAPRIJED!

Logo NAPRIJED! sastoji se od dva elementa: čovjeka i zvjezdica.

Prikaz čovjeka koji korača naprijed simbolizira posvećenost političkog subjekta NAPRIJED! ka napretku. Zvijezde predstavljaju našu domovinu Bosnu i Hercegovinu, a istovremeno simboliziraju i Evropsku uniju, kojoj NAPRIJED! nastoji pridružiti našu domovinu.

Sam tekst "NAPRIJED" na logu blago je nagnut prema naprijed, što dodatno naglašava dinamiku za iskorakom i izlaskom iz stagnacije i teškoća koje nas trenutno opterećuju.

NAPRIJED za nas nije samo riječ, već obećanje, poziv na akciju i poziv na buđenje kolektivne svijesti. Boje našeg logotipa – plava i žuta – odabrane su kako bi odrazile simboliku zastave Bosne i Hercegovine, ali i zbog njihovog dubljeg značenja. Plava boja povezuje se s povjerenjem, lojalnošću i stabilnošću, dok žuta simbolizira optimizam, nadu i novi početak. Zajedno, ove boje šalju poruku da je NAPRIJED! politički subjekt na kojeg se možete osloniti da Bosnu i Hercegovinu povede NAPRIJED!.

Država kao imperativ, sigurnost, moralna obnova društva, iseljništvo, ekologija, mladi, neki su od temeljnih principa na kojem mi iz pokreta NAPRIJED! gradimo viziju dostojanstvenog i sigurnog života za sve građane Bosne i Hercegovine. Naša misija je da, kroz političku scenu BiH, postanemo pokret za transformaciju i ozdravljenje bosanskohercegovačkog društva, brinući o svakom čovjeku od rođenja do kraja života.

Pozivamo sve građane da budu dio promjena, da pokažemo bosanski inat kada je najteže. Naša budućnost je onakva kakvu želimo. Snaga bosanskog duha leži u našoj sposobnosti da s prkosom i odlučnošću krčimo puteve koji vode NAPRIJED!



NAPRIJED BOSNA I HERCEGOVINA!

Zmaja od Bosne 7
71 000 Sarajevo
info@naprijed.ba
033/862 535
www.naprijed.ba